

xionibus sanguineis obnoxium transmigrent damna: ea graviter enarravit B. FR. HOFFMANNVS *Med. rat. Syst. Tom. 2. ubi de affect. animi agit.* Merentur maxime hoc loco conferri ALBERTI *Dissertationes de Hemorrhoidibus suppressis, item de Anomaliis Hemorrhoidum & Mensium.*

§. VII.

Recensuimus §. antec. ingentia quædam mala, quæ *terrorem* consequuntur: *jam salutares quasdam mutationes, quæ eidem pathemati interdum adjunguntur, expendere, haud incongruum erit.* Cujus rei testem, omni exceptione majorem, producimus experientiam, a qua nimirum accepimus, multos pertinaces morbos, qui ne optimis quidem remediis obtemperare volebant, solo autem terrore suborto, fugatos fuisse.

Paralyticum quendam per complures annos hoc malo affectum, terrore incendii a paralyfi sua fuisse liberatum observavit VALERIO LA *Lib. 2. Observ. 4.* Quæ dum scribo, juvenis cujusdam paralytici cogitatio me subit, qui in ædibus *Junckerianis* commoratur, utpote qui ad servitia militaria ductus (cui tamen litteræ erant in deliciis) pedum paralyfi corripiebatur, cum jam sibi amictum illum militarem *Stieffelletten* apponi videret. In hoc afflicto suo statu cum corporis movendi causa curru se vehi curaret: accidit, ut, curru paululum ad latera inclinato, paralyticus terrorem lapsus conciperet. Fugæ itaque intentus ad se salvandum ex curru subito profiliit, & spatium ad passus tres cito emensus est; cui tamen ante nulla inerat potentia pedes movendi. Idem jam, imo multo majus quid alio tempore ipsi contigit: ægro nempe diris comminationibus, quod se quam primum ad legionem sisteret, iterum commoto, validissime ipsum comprehendebant convulsionēs, ut partes paralyticæ fortissimis motibus sint vexatæ.

De